



SALBATORE MITXELENA IKASTOLAKO

OSASUN PROTOKOLOA



2010-2011 IKASTURTEA



Oinarria: EUSKO JAURLARITZAREN PROZEDURA

1. Haurrak arazo sanitarioen bat duela jakinda, **aitak/amak/tutoreak** ikastetxearen ardura duen **zuzendaritzari** jakinaraziko dio(te), **osasan ziurtagiria** aurkeztuz. Ziurtagiriak honako hauek jasoko ditu: osasun-arazoa eta eskola-orduetan eman behar zaion arreta, beren-beregi adieraziz arretaren modalitateak: jarduerak eta medikaziorik behar izanez gero, dosiak.

2. Zuzendariak, **langile “prestatuei”** emango die arazoaren berri. Langile horiek bere esku izango dute haurrekiko esku-hartzean laguntzea ala ez, haurrari arreta ematen dion osasun-profesionalak adierazitako jarraibideen arabera.

3. Horretarako, Gurasoek **idatzizko baimena** emango diote bere burua laguntzeko eskaintzen duenari eta lan hori betetzeak ekar dezakeen edozein ardura kentzen.

4. Ikastetxeko zuzendaritzak ezin badio egoerari irtenbiderik eman bere baliabideekin, ikastolari dagokion **Osasun Eskualdeko zuzendariarengana** joko du, eta horrek erabakiko du neurri operatibo egoki/beharrezkoa, kasu horretan osasun-laguntza emate aldera.



IKASTOLAREN PROZEDURA OSASUN KONTUETAN

Tutoreek argi eduki behar dute txosten bereziak nortzuk dituzten eta ikasle hauei zerbait gertatuz gero zer egin behar den. Espezialistek ere beraien ikasleen osasun arazoan berri izan behar dute.

Irakasle berri edo ordezkoei etapako koordinatzaileak protokoloaren berri emango die.

Txostenak honako toki hauetan egongo dira:

-Baimenen zerrendak (botikak emateko, anbulategira eramateko eta DBHkoei etxera joaten uzteko) botikin nagusian, jangelan eta etapa bakoitzeko botikinetan egongo dira. Tutore bakoitzak bere gelakoa izango du.

-Osasun fitxa pertsonalak eta osasun arazo kronikodun ikasleen erregistroak giltzapean egongo dira botikin nagusian eta jangelan.

Web orrian eta ikasturte hasierako buletinean urteko Osasun Protokoloaren inguruko informazioa emango zaie gurasoei.

Osasun arazoak dituzten ikasleekin:

Urtero, kurtso hasierako gurasoen bilera orokorrean eman behar da ondoren datorrenaren berri:

Ikasle batek osasun arazoren bat duenean, guraso edo arduradunek tutorea jakinaren gainean jarri behar dute medikuaren txosten baten bidez eta datu hauek eman fitxa bat betez:

- Gaixotasuna eta bere eragileak.
- Sintomak.
- Tratamendua.

Tutoreak etapako koordinatzailea eta osasun arduradunak jakinaren gainean jarriko ditu eta hauek informazioa dagokion tokian jarriko dute.



Printzipioz, ikasle batek eguneroko tratamendua behar izanez gero, ahal bada botika etxean emateko moduan antola dezala ordutegia gomendatuko zaio familiari.

Eskolan medikazioen bat eman behar izanez gero, tutoreak familiaren baimen sinatua izatea ezinbestekoa da **EDOZEIN KASUTAN**.

Errezeta derigorrezkoa denean (antibiotikoak...): gurasoen baimenaz gain, ordutegia, maiztasuna, dosia eta tratamenduaren iraupena gurasoek adierazi behar diote tutoreari. Era berean, medikazioa ere beraiek ekarri behar dute Ikastolara.

Errezetarik gabekoetan (Ibuprofeno, Termalgin, Apiretal, ...) gurasoen idatzizko baimena dutenei soilik eman diezaiekegu, beti ere gurasoek telefonoz baieztatu ondoren.

DBH: Ikasleren bat ondoezagatik etxera bidali behar badugu, aurrez gurasoen baimena sinaturik eduki eta unean telefono dei baten bidez beraien oniritzia jasotzea ezinbestekoa da.



EGOERA LARRI BATEN AURREAN ZER EGIN:

- INOIZ EZ UTZI HAURRA BAKARRIK.
- Ikaslea idazkaritzako botikina eraman. Ezin bada bertara eraman, lekuan bertan artatu, inguruko ikasleak urrunarazi eta laguntza eskatu. Ikaslearen tutoreari jakinarazi.
 - Baimenak begiratu ezer egin aurretik.
 - Zalantzak izanez gero, arduradun(ar)ekin hitz egin (etapako koordinatzaileak edo Gorputz Hezkuntzako irakasleak).
 - Ikaslearen egoera baloratu eta gurasoei deitu ondoren eta beharrezkoa bada, anbulategira eraman edo 112ra deitu. Anbulategira eramateko baimena Ikastolak bakarrik du eta ez beste inork.
 - Edozein istripu edo gertakariren aurrean ez utzi ikasleari lo hartzen!!

Gure kotxean ikasle bat anbulategira eraman al dezakegu?

Gurasoen idatzizko baimena dutenak bakarrik eraman ditzakegu. Gurasoei deitu ondoren adostu ea gurasoak etorriko diren Ikastolara edo anbulategian elkartuko garen.

Ikaslea txikia bada (12 urtetik beherakoa, edo 135 zm baino baxuagoa) autoan garraiatzeko idazkaritzako botikinean dagoen aulkitxoa hartu behar da, kotxearen atzeko aldean jarri eta ikasleari beti segurtasun uhala jarri.

Idatzizko baimenik gabekoak ezin dira kotxean eraman, nahiz eta telefonoz baiezkoa esan.



BAIMEN ESKAERA HAUEN ZERGATIA:

Orain artean ikastolak bere prozedura erabili du osasun arloan gertatzen diren arazoei aurre egiteko. Baina azken urteotan legez Eusko Jaurlaritzatik datorkigun prozedura dela medio, ezinbestekoa zaigu ikasleen arduradun zaretenoi ondorengo baimenak idatziz eta sinaturik eskatzea.

IKASLEAREN IZENA ETA MAILA:

GURASO/ARDURADUNAREN IZENA:

1. MEDIKAMENTUA EMATEKO BAIMENA:

Baimena ematen diet ikastolako langileei (irakasle nahiz jangela arduradunari), bai aurrez jakinaraziko diedan tratamendu bat dela medio, bai puntualki errezetarik gabeko medikamentua (Termalgín, Ibuprofeno “Dalsy”, Apiretal, Saldeva...) eman ahal diezaioten nire seme-alabari.

Ez dut baimenik ematen inolako medikamenturik eman diezaioten nire seme/alabari. Ardura hori niregan soilik hartzen dut.

2. ANBULATEGIRA KOTXEZ ERAMATEKO BAIMENA KASU ARINETAN

BAI

EZ

3. DBH: ONDOEZAGATIK IKASLEA ETXERA BIDALTZEKO BAIMENA, ALDEZ AURRETIK GURASOAK TELEFONOZ JAKINAREN GAINEAN JARRIZ.

BAI

EZ

Guraso/arduradunen sinadura :